

TESTIMONIA

E

Quibusdam Recentioribus collecta

QUIBUS

Doctrina S. CAROLI BORROMEI

DE

Remittendis & Retinendis

PECCATIS

A

Singularitatis Nota Vindicatur.

COLLECTORE

BARTHOLOMÆO PASMANS S. T. L.



Transp.

MECHLINIÆ,

Typis GISEBERTI LINT

M. DC. LXXV.


Cum Privilegio Regis.



INsit justè consolans misericordia
& piè læviens disciplina: sicut in
Arcâ Testamenti erat virga & man-
na: sic in pectore Pastoris rigor &
dulcor. *S. Gregor.*

PRÆFATIO

BENIGNE LECTOR.

 *I*uspiciam singularitatis notam suspectam esse oporteat. Theologicis & præsertim sacramentalibus illam infestissimam esse, nemo ignorat. Hinc factum credo, ut nonnulli doctrinam S. CAROLI de remittendis retinendisque peccatis singularitatis labo, dum aliis argumentis convellere non sustinerent, adaspergere conniterentur. Ast quàm id immerito & absque fundamento, excerpta è recentioribus (veterum enim hanc fuisse doctrinam, nemo nisi ab illorum & canonum pœnitentialium lectione alienus negaverit) nonnulla dogmata ubertim testabuntur. Nonnulla, inquam, quis enim omnia congerere quæat? sat equidem iis præstabitur, ut hæc

P R Æ F A T I O.

S. Caroli doctrina insolita, nova, & singularis non videatur. Sunt & alia plurium recentiorum hac in parte S. Carolo subscribentium testimonia apertissima, quæ alios quoque libellos seorsim adimpleturi sunt.

Pauca in hisce necessariò observes velim; Lector: primò quidem, quod Testimoniorum singula non probent idem; alia namque docent interrogandos esse pœnitentes: alia absolutionem negari differrive & posse & debere testantur: quædam pœnitentialia ante absolutionem peragendas injungi posse perhibent: quædam etiam de instituendis ritè concionibus agunt: omnia perdifficilem & multorum opinione tardius peragi peccatoris conversionem arguunt; atque aliam (quam multorum hodie præ se fert agendi modus) veri pœnitentis ideam apertè exprimunt.

II. Deinde, si ex iis ipsis, è quibus

PRÆFATIO.

bus ego hæc Testimonia, quispiam ex-
cerpserit & alia, quæ aut Reliquæ
S. Caroli doctrinæ, aut Theologiæ sa-
niori videantur adversari; ego ist-
hæc neque probanda hic, neque impro-
banda mihi sumsi: instituto quippè
meo cumulatè fiet satis, modò illos hæc
in parte vel testes habuerim doctrinæ
S. Caroli, ne aliquibus tam insolita
videatur aut singularis.

III. Præterea, congeret fortassis
quispiam eundem in modum ex aliis
scriptoribus, quod hisce opponat: quid-
quid id fuerit, intento meo nihil of-
ficiet, nedum evertet; præterquam
enim, quod in Sacramentis nihil va-
leat humanæ opinionationis auctoritas,
nullus mortalium inficiabitur, quin
authores citandi isthuc docuerint, ac
proinde doctrinam S. Caroli singula-
ritatis opprobrium evadere, dilucidè
fidem faciant.

IV. Postremò, nullus inter Re-

PRÆFATIO.

*censitos hic servatus est ordo; neque
Sanctitatis aut Religionis, neque dig-
nitatis Antiquitatisve habita est ratio.*

CENSURA.

Imprimatur datum Mechliniæ 21.
Februarii 1675.

L. NEESEN, *Canonicus*
Theologus Lib. Censor

CENSURA.

Imprimi poterit datum Bruxellis
28. Martii 1675.

J. ROUCOURT, *S.T.L.*
Libr. Censor.

TESTIMONIUM,

Eximii P. CHRISTIANI LUPI
Ordinis Eremitarum S. Au-
gustini S. T. Doct. & Prof.
in Scholiis suis & notis ad
Canones Concilii Nicæni.

*Ex quo patet, quomodo censeat, di-
versos penitentium gradus annis
aliquot continuis olim præcessisse
absolutionem Sacramentalem.*

CANON XI. Concilii Nicæni,



E his, qui præter necessitatem
prævaricati sunt, aut præter
ablationem facultatum, aut præ-
ter periculum, vel aliquid huius-
modi (quod factum est sub tyran-
nide Licinii) placuit Synodo,
quamvis humanitate præbentur indigni; tamen
eis benevolentiam commodari. Quicumque ergo
veraciter penitentiam gerunt, tribus annis fide-
les inter audientes habeantur; & sex annis om-
ni se contritione depreciant; duobus autem annis
sine oblatione populo in oratione communicent.

Qua-

Quatuor olim fuerunt pœnitentium gradus, classes seu stationes: *fletus*, *audisio*, *substratio*, *consistentia*, quas eleganter describit in Epist. Canon. S. Gregorii Thaumaturgi Canon postremus, licet, ut eruditus videtur, adjectus & suppositus, antiquus tamen & venerandus.

Fletus est extra portam oratorii, ubi peccatorem stantem oportet fideles ingredientibus orare, ut pro se precentur.

Audisio est intra portam in Nartheco, ubi oportet eum qui peccavit, stare usque ad catechumenos, & illinc egredi. Audiens enim, inquit, scripturas & doctrinam ejiciatur, & precatione indignus censeatur.

Substratio autem est, ut intra portam templi stans cum catechumenis egrediatur.

Consistentia est, ut cum fidelibus consistat, & cum catechumenis non egrediatur. Postremo est participatio Sacramentorum.

Eosdem gradus describit eodem fere modo Felix tertius Pontifex in Epistola ad universos Episcopos, meminitque S. Ambrosius in libris de Pœnitentia, hæc Domini verba de Lazaro, ubi posuisti eum, exponens: *Ubi quo rerum statu est, quo pœnitentium ordine?*

Quidam existimant illos Novatiano
 non

non antiquiores, utpote ab Ecclesia institutos adversum ejus errores, Existimo errare. Fateor non esse institutum Apostolicum, eorum tamen non tantummodo S. Cyprianus, sed & Tertullianus meminit tamquam rei vetustæ.

Exponitur Primus Pœnitentium gradus.

Fletus itaque primus gradus fiebat *extra portam oratorii* in Ecclesiæ porticū vestibulari, seu (uti in libro de pudicitia Tertullianus loquitur) foris extra Ecclesiam ad certum limitem à limine. Antiquas enim omnes Ecclesias Matrīces habuisse vestibularem porticū, patet ex antiquis Romanis Basilicis Lateranensi, Vaticanā novā licet, ad formam tamen antiquæ exstructā, S. Crucis, S. Mariæ Majoris & ad Martyres, plurimisque per Flandriam nostram, & omnem fermè Galliam Canonum olim observantissimam, Ecclesiis rusticorum.

..... Hic ergo peccatorem stantem oportet orare ingredientes ut pro se precentur. Distinctius Joannes Abbas de Raithu in Scholiis ad scalam Joannis Climaci Abbatis: *proci-*

B

dens

dens cum fletu ab ingredientibus postulat orationem ante ipsorum pedes prostratus. Eleganter Tertullianus in lib. de Pœnit. exomologesis, qua ille voce omnem passim pœnitentia-
 rum stationum paraturam complectitur, est proster-
 nendi & humili-
 fandi hominis disciplina conversationem injungens, misericordiae
 illicem mandans sacco & cineri incubare, presby-
 teris aduolui, caris Dei adgeniculari, omnibus
 fratribus legatione deprecationis suae injungere &c.

Et S. Ambros. in lib. de Pœnit. volo,
 veniam reus speret. Petat eam lachrymis, petat
 gemitibus, petat populi totius fletibus: & cum se-
 cundo & tertio fuerit dilata ejus communio, cre-
 dat remissius se supplicasse &c.

.... Nempè fletum exigebat Ecclesia,
 non imponebat virtute divina clavium,
 neque ad Sacramentalis satisfactionis
 opus operatum elevabat hinc flenti-
 bus nullæ impendebantur impositiones
 manuum, nullæ expurgativæ preces, nul-
 la divini nominis super ipsos solemn-
 is invocatio, sine quibus Sacramenta Chris-
 tiana non possunt confici nec opera nostra ad
 operis operati virtutem elevari.

Hunc gradum respiciunt hæc verba
 nostri Canonis; quicumque ergo veraciter pœnit-
 dinem gerunt & S. Gregor. Nazianz.

Agens

(11)

Agens adversum Novatianenses hujus Canonis calumniatores : *nec ipse eos recipio, qui vel nullo modo vel non satis deprimuntur, nec patrao crimini parem viam emendationem afferunt.* Hoc est non satis fervidè adimplent. Hæc verba, *non recipio*, non tantum de communionis redditione, sed & de admissione ad audientiam & substrationem intelligi possunt, atque ita clarè dicunt flentes necdum esse receptos ab Ecclesia, id est, fletum per claves non consuevisse imponi.

Porro Canon flentibus nullum tempus præfigit more Latino. Quod enim esset spontanea humilitas, Sacramentalis satisfactionis expostulatrix & præparatrix, Patres nostri Episcoporum arbitrio reliquerunt ex compuncto potius corde, quam tempore mensurandam. An vero Græci præfixere certum temporis limitem.

Exponitur secundus Gradus.

Secundus Gradus est *auditio intra portam sin narthæce, qui oportet eum, ubi peccavisse usque ad catechumenos, & illinc egredi* ab hac auditione hi nostri pœnitentes vocabantur auditores.., addit Greg. Thaumaturgus, aut certè illi adjectus Canon: au-

B 2

diens

diens inquit; *scripturas & doctrinam ejiciatur & oratione dignus non habeatur* ex quo liquere videtur Canonem esse adjectum loquuntur ambo nequaquam de præcatione Eucharistica, sed expurgatoria & expiativa. Quo circa etiam audientibus nulla imponebatur manus, nulla divini nominis super ipsos invocatio, ideoque & hanc stationem suspicer potestate clavium non consueſſe imponi, fuiſſe non Sacramentalem ſed dumtaxat ſecundum ad ipſam præparationis gradum.

Expleto audientiæ tempore nequibat audiens ſuo arbitrio migrare ad ſubſtratos, debebat denuò ſupplicare, examinari, ab Epifcopo transferri, eodem modo transferri ſolitum à ſubſtratione ad conſiſtentiam, & à conſiſtentia ad perfectionem docent Cyprianus; & quintus Canon An-cyranus.

Exponitur tertius Gradus.

Tertius poenitentium gradus eſt ſubſtratio, de qua noſter Canon: *Sex annos omni ſe contritione dejiciant* ſubſtratorum poenitentia variis Eccleſiæ ritibus & precibus adjuvabatur, Deo commen-dabatur, ad operis operati virtutem ele-vabatur, eratque vere Sacramentalis.

Erat

Erat manus impositio substrati cinere, sacco, infami rasurâ, cilicio comitatâ, quæ idcirco Episcopis, Presbyteris, ac Diaconis, Sacræ Ordinationis manum impositam habentibus fieri non poterat, idque ex traditione Apostolica, uti scribit S. Leo ad Rusticum Episcopum Narbonensem hi sunt substrati qui Eucharisticis Ecclesiæ orationibus, & conventui non poterant interesse.

Exponitur quartus Gradus.

Quartus Gradus est consistentia, ut pœnitens *cum fidelibus consistat & cum catechumenis non ejiciatur*, de qua Canon noster: *duobus annis populo sine oblatione in oratione communicent.* Utrique in oratione Eucharistica seu Sacrificio. Ad hunc gradum admissio erat omninò reconciliatio Sacramentalis. Neque enim solum corpus, sed & mens per ipsum erigebatur à substrationis foribus, quod fieri non potest, nisi virtute clavis Apostolicæ reconciliantis.

Consistentes ergo communicabant Eucharisticis & perfectivis Ecclesiæ orationibus, verum sine oblatione. Exponit hoc Theorianus *Sacramentorum Eucharistiæ videlicet, perceptionem non impetrant*

Panem & vinum sibi in Eucharistiam consecranda olim offerebat populus; de alieno participare erat illicitum ac sordidum: qui non offerebat, non sumebat, ideoque omnis ab oblatione suspensus, suspensus erat à sumptione. Hinc toties apud antiquos legimus, *ejus oblatio non recipiatur*. Hoc est, Sacrificio quidem adesse possit, verum de illo non percipere: & hoc est communicare solis orationibus.

Canon noster sistit in horum lapsorum consistentia, nihil penitus statuens de eorum perfectione seu admissione ad Sacro Sanctam Eucharistiam. Nempe supra illos humanitate indignos dixit, ideoque dignatur sola consistentiâ, quoad perfectionem volens servare rigorum antiquum. Secunda Synodus Arelatensis addidit hanc moderationem: *In potestate tamen vel arbitrio sit Episcopi, ut si eos ex animo desistere, & agere pœnitentiam viderit ad communionem pro Ecclesiastica humanitate suscipiat.*

Hunc aliosque id genus plurimos Canones antiquos respicit Sacrosancta Tridentina Synodus in decreto de satisfactionis necessitate. Debent Sacerdotes Domini, quantum spiritus & prudentia suggerit, pro qualitate criminum & pœnitentium facultate saluta-

(15)

res & convenientes satisfactiones injungere, ne forte peccatis conniveant, & indulgentius cum poenitentibus agant, levissima quadam opera pro gravissimis delictis injungendo, alienorum peccatorum participes efficiantur. Ejusmodi Sacerdotes Sanctus Cyprianus vocat poenitentium deceptores, qui illos, ut magis pereant & amplius cadant, seducunt.

TESTIMONIUM,

Eminent. vii D. JOANNIS BONA,
S. R. E. Tit S. Bernardi ad Ther-
mas Presbyteri Cardinalis, Ord.
Cisterciensis.

*Censet vir Eminentissimus, quod Sa-
cramentalis absolutio olim impensa
demum fuerit sub finem quarti
gradus, hoc est, sub finem consi-
stentiae.*

Lib. I. rerum Liturgicarum cap. 17.



Quod spectat ad Sacramentalem n. 6.
absolutionem, an eam Episco-
pi seu sacerdotes sub finem
consistentiae, an in fine sub-
stitutionis impertirentur, cum ab ea ad con-
sistentiam

sistentiam transibant, diversæ sunt eruditorem sententiæ; quas non est hujus loci examinare. Quod si specialiter sermo fit de consuetudinē Romanæ Ecclesiæ ex Sozomeno lib. 7. cap. 16. & ex Nicephoro lib. 12. cap. 28. manifestè colligitur dilatam Romæ absolutionem usque ad finem quarti gradus. De hac enim Ecclesia tractantes, pœnitentes commemorant, qui missæ intererant, nec tamen Eucharistiæ participes erant: & eos aiunt peracta Missa in terram cum fletu quibus occurrens Pontifex similiter corruisse cum Lacrymis collabebatur, & eos erigens pro illis orabat, ac deinde dimittebat. Illi vero privatim jejuniis & aliis pœnis se affligebant, ac postea elapso tempore ab Episcopo constituto à peccatis absoluebantur. Non ergo substratis, qui cum catechumenis exhibant, sed consistentibus, qui usque ad finem missæ manebant in Ecclesia, absolutio dari solebat.

Eundem morem servatum in Africa, ut intra missarum solemniam absolverentur pœnitentes proximè ante Orationem Dominicam, non obscure docet Optatus Milevitanus lib. 2. *Etenim inter vicina momenta, diuini imponitis, & delicta donatis mox ad al-*

vere conversi dominicam orationem pratermittere non potestis. Manuum autem impositio super substratos, quædam tantum oratio & benedictio erat, quam in terram procumbentes à sacerdotibus accipiebant &c.

TESTIMONIUM, CLERI GALLICANI,

In Conventu Anno 1655. Celebrato.



Ræter illam, doctrinæ moralis pravitatem, quæ facile, nisi provideatur, Christianorum mentibus illaberetur, non mediocri nos afficit dolore perniciofa quorundam confessorum in concedendâ promiscuè pœnitentibus absolutione facilitas, quam illi falsis pietatis coloribus prætexunt; quasi hoc modo illos à peccato paulatim averterent, & à desperatione ac religionis contemptu retraherent.

TESTIMONIUM,

S. THOMÆ A VILLANOVA,

Ord. Eremit, S. August. Archiepis.

Valentini ex Sermone habito fer.

6. post 4. Dominicam quadra-
gesimæ.

*U*d, inquit, *Ecclesiam* hodie per-
dit, nisi *Confessorum & Pastorum*
blandiens adulatio? Sed exi foras
non solum à delicto, sed etiam
ab occasione & delinquendi proposito.
Quidam ad modicum in quadragesima
peccata deserunt, sed peccandi proposi-
tum numquam dimittunt: quidam cum
peccatis etiam propositum peccandi reli-
quisse sibi videntur, sed occasiones delin-
quendi non fugiunt. Hi non suscitantur,
quia non omnino foras exeunt. Angeli
qui in Sodomorum subversionem destina-
ti sunt à Deo, Loth dissimulantem extra
civitatem & suburbium extrahentes com-
minati sunt, ne in omni circa regione
permaneret, sed in monte saluum se fa-
ceret, typice per hoc designantes ut quis-
quis

ais divinam ultionem evadere procurat,
 xeat à peccato, exeat à peccati suburbio,
 id est, proposito, exeat à peccati regio-
 e, id est, peccandi occasione: neque post
 ergum aliquando respiciat, neque in
 humili conversatione, id est, sæculari
 permaneat, sed virtutis culmen cum om-
 ni celeritate conscendat. Cum Ninive
 civitatis excidium per Prophetam Domi-
 nus comminaretur jejunaverunt incolæ,
 blāxerunt, vestiti sunt saccis, in cine-
 re sederunt, cum lachrymis clamave-
 runt. Sed, quid ait scriptura? & vidit
 Deus opera eorum, quod conversi sunt
 à via sua mala & misertus est super ma-
 ritiam, quam locutus fuerat, ut faceret
 eis & non fecit. Non ait, vidit gemitus,
 vidit lachrymas vidit saccos, vidit cineres:
 sed quid vidit? opera eorum, quod con-
 versi sunt à via sua mala. Si vitia non de-
 eruntur, frustra Dei misericordia lachry-
 mis imploratur: frustra enim oculus
 plorat, si animus in crimine perseverat.
 O peccator! si vere ploras, veni foras:
 fuge concupiscentiam, dimitte lasciviam,
 expelle mulierculam, solve catenam:
 alias non credo verbis, non credo lachry-
 mis funiculus triplex malæ inclinationis,

pravæ consuetudinis, violentæ occasionis difficile rumpitur. Miraculum grande est, ut habens juxta se mulierem, non tangat eam: & utique qui tangit picem inquinabitur ab ea. In sinu tuo carbones foves, & tuum non comburetur vestimentum? etiamsi millies juraveris, etiamsi obtestando promiseris, numquam tibi credam. Illum autem, qui à Domino vivificatus desiderio salutis a vitiorum sepulchro foras egreditur, vos, ô sacerdotes, solvite & sinite abire. Cavete ne eum in sepulchro solvatis; prius exeat ut solvatur. Numquid narrabit aliquis in sepulchro misericordiam tuam, aut veritatem tuam in perditione? nunquid mortuis facies mirabilia, aut medici suscitabunt & confitebuntur tibi? non suscitatur à sepulchro medicus, sed Deus: sed quem suscitatur Deus, hunc solvit medicus. prius ergo vadat, & concubinam à domo pellat peccuniam alienam restituat, contractus usurarios rumpat, famam proximi læsam, prout potest, resarciat, mercenariorum labores & pauperum debita solvat, offenso fratri reconcilletur & veniam petat, & tunc ad confessorium redeat & absolvatur. Hic rectus est ordo, hic in

(21)

in Lazari suscitatione à Domino servatus est. Hunc ordinem ne transgrediaris. O medice, cur foetentem solvis? cur indigno veniam promittis? cur, cui absolutionis beneficium exhibeas, non discernis? duas tibi claves Dominus dedit, unam discernendi, alteram judicandi: absolvendi scilicet & ligandi: & tu sine discretionis examine neminem ligas, omnes absolvis: una tantum clave, neque integra quidem uteris, sed dimidiata. Heu heu ventrem meum doleo, ventrem meum doleo: in domo Dei horrendum vidi, Pastores Domini sui oves jugulantes: medicos populi sui ægrotos occidentes: judices turpibus blandientes: censores flagitia palpantes: cæcos gregem Domini dirigentes. An non horrendum hoc? hiunt Prophetæ mendaces, in quos Dominus per Prophetam invehitur dicens: ò quod deceperint populum meum dicentes pax, pax & non est pax: & ipse edificabat parietem, ipsi autem linierunt ipsum luto absque paleis. Et infra, æqui consuunt pulvillos sub omni cuto manus, & faciunt cervicalia sub capiti universæ ætatis ad capiendas animas: cum caperent animas populi mei vivificabant

ficabant animas eorum, & violabant me ad populum meum, propter pugillum hordei & fragmen panis, ut interficerent animas, quæ non moriuntur, & vivificarent animas quæ non vivunt, mentientes populo meo credenti mendaciis. Et per alium Prophetam apertius. A minore usque ad majorem omnes avaritiæ student. A Propheta usque ad sacerdotem cuncti faciunt dolum: & curabant contritionem filiarum populi mei cum ignominia dicentes: pax, pax, & non erat pax, confusi sunt, quia abominationem fecerunt, quin potius confessione non sunt confusi, & erubescere nescierunt. O miseri animarum non curatores, sed interfectores, non consultores, sed deceptores, quid respondebitis Domino progrege, quem vestris blanditiis decepistis? vestris consiliis jugulastis? quid Ecclesiam Domini hodie perdit, nisi Confessariorum & Pastorum blandiens adulatio? delinens, demulcensque assentatio? vae miseris, non ægritudinem sed contritionem, ac confessionem peccatorum curant quam augere debuissent, promittentes pacem quibus non est pax, & veniam quibus æterna damnatio parata est. Parvum est

(23)

est (inquit) nimirum humanum est peccare: quis est homo, qui non peccat? facilis est venia: ne tristeris, ne doleas: confessus es, absolutus es, sufficit tibi ad salutem: vive lætus, Domini Sacramenta suscepisti, sine dubio salvaberis. Sic animas mortuas & securas à suis pedibus mittunt, tanto miseres, quanto miseres vulnera liniunt, vermem conscientie extinguunt stimulum peccati auferunt, & securos peccatores ad inferna demittunt, qui si timorem populo incuterent, forsitan illum à viciis revocassent. Cui comparabimus adulatores istos, aut cui assimilabimus eos? similes sunt profecto hominibus qui à ripa pereuntibus in flumine manum porrigunt, & violentia fluminis ipsi cum aliis demerguntur. Unde apertissime sequitur in Propheta. Quam ob rem cadent inter ruentes in tempore visitationis suæ. Corruent dicit Dominus pondere namque peccatorum assentatores suos post se peccatores in præcipitia rapiunt, eum eos in inferna deducunt. Hæc contra quosdam confessarios nostri temporis ie impios & impie pios dicta sunt qui e confitentem aliquantisper contristent, lum in sua nequitia manere permittunt.

At

At quanto melius esset ad modicum contristare, quam in æternum damnare. Apostolum audiamus qui ad Corinth. sic ait: etsi contristavi vos in Epistola, non me pœnitet, nam etsi ad horam Epistola illa vos contristavit, nunc gaudeo: non quia contristati estis, sed quia contristati estis ad pœnitentiam: ecce enim hoc ipsum secundum Deum contristari vos, quantam in vobis operatur sollicitudinem, sed defensionem, sed indignationem, sed timorem sed desiderium, sed æmulationem, sed vindictam. Hæc omnia bona tristitia quæ secundum Deum est, operatur in homine.

TESTIMONIUM,

. P. JOANNIS DE LUGO,

Societate *Jesu* in Collegio Romano
ejusdem Societ. Theol. Pro-
fessoris & S. R. E. Cardin.*de virtute & Sacramento pœnitentiæ
Editionis Lugdunensis A.º 1644.
cum Approbationibus consuetis.*

ocet absolutionem quandoque differen-
dam pœnitentibus etiam verè conver-
sis: deinde ipsos esse examinandos de
consuetudine, ac peccatis, quæ ultro
non confitentur; tenerique pœniten-
tes super his respondere.

disp. 14 de Sacram. Pœnitentiæ sect. 10.

*An & quomodo neganda sit absolutio d:
sectu propositi.*

Restat nunc, ut dicamus aliquid 166
de ultimo puncto seu ultimo
capite cognoscendi defectum
propositi efficacis, nempe ex
quenti reincidentia in eadem peccata
sæpe multas confessiones absque ulla
mendatione.

D

.... Secundò certum est, quando sacerdos attentâ consuetudine præteritâ, & propensione aliisque circumstantiis iudicat, pœnitentem non averti sufficienter ab illo peccato, non posse eum absolvere, quantumcumque pœnitens dicat, se dolere; quia si sacerdos id non credit, non habet iudicium requisitum ad conferendam absolutionem.

Tertiò, ad iudicium ferendum de dispositione præsentis deservit si peculiaria signa doloris ostendit, item si eam adhibuit curam &c.

Denique aliquando utile erit differre absolutionem per aliquot dies, ut appareat correctio & observatio propositi. In hoc conveniunt authores communiter &c.

167. Dubium est primò, an aliquando cum confessatus posset credere probabiliter pœnitenti dicenti se hic & nunc habere dolorem & propositum, possit tamen ad melius probandum & confirmandum illud propositum differre absolutionem per aliquot dies. Secundò: an ipse pœnitens interrogatus à Confessario de consuetudine præteritâ, teneatur respondere & dicere se in aliis confessionibus hoc ipsum
pecc-

(27)

peccatum sæpius confessum esse, & nul-
lam emendationem postea secutam esse.

Utramque partem docent communi- 168
ter Theologi & quidem in hoc etiam
inchoato aliqua certa sunt, in quibus om-
nes conveniunt.

Primò, posse ex consensu poenitentis
deferri absolutionem; volenti enim non
injuria, atque adeò optimè facturum
confessarium, si poenitentem suaviter al-
licit ad consentiendum.

Secundò, certum est, quando dilatio,
dicebam, necessaria est ad exploran-
dum firmum propositum poenitentis, de
hoc non satis constat, posse & debere
deferri absolutionem.

Tertiò, non posse licitè differri absolu-
tionem, quando poenitens est sufficienter
compositus & ex dilatione timetur dam-
num potius spirituale, quam speretur uti-
tas poenitentis

Quartò, denique certum est, non de-
bere absolutionem differri absque aliqua
bona & rationabili causa, quæ prudenter
debet esse differendam.

Difficultas ergo esse potest, an possit
esse causa rationabilis aliquando ad diffe-
rendam absolutionem absque consensu

D 2

poeni-

pœnitentis , licet ipse aliunde credatur probabiliter esse nunc dispositus.

- 169 In quo procul dubio videtur vera communis sententia affirmans , cuius ratio desumitur ex fundamento contrario ; nam licet pœnitens legitimè dispositus , confessione facta , habeat ius ad sententiam , & ad absolutionem ; non tamen habet ius ad hoc , ut statim proferatur sententia , potest enim iudex arbitrari , quomodo & quando debeat utilius proferri sententia.

Similiter ergo quando merito timet pœnitentem nunc absolutum facile relaplurum statim in eadem crimina , nisi ipsa difficultate & dilatione absolutionis territus , agnoscat melius gravitatem peccati & necessitatem emendationis , poterit differre absolutionem , ut pœnitens utiliter admonitus non maneat in tanto periculo reincidentiae , quantum alias certissime subiret.

- 170 Confirmatur ex communi doctrinâ Theologorum , qui dicunt posse confessorium aliquando obligare pœnitentem ad implendam pœnitentiam ante absolutionem ; quod licet non possit facere per modum vindictæ & punitionis ; potest
saltem

tem facere per modum medicinæ, quando judicat id esse necessarium vel utile penitenti, ex eò quod soleat facile omittere postea penitentiâ sibi impositas, vel confessarius certus sit de penitentiâ impleri, vel ob alios fines.

Imo apud Græcos sic solitum fieri, ut imo ante expletam penitentiam absolueretur, dicit Palatius in 4. dist. 15. læst. 1. ex Nicephoro lib. 11. cap. 26. quod cum publicis peccatoribus olim servitum fuisse colligitur ex Catechismo q. 11 V. de Sacrament: Pœnitentiæ n. 68. ex quâ doctrinâ habemus posse confessarium differre absolutionem, quando id ille judicat, per aliquod tempus: quod rectè requiritur, ut penitentia impleatur ... non ergo est contra jus penitentis, absolutio in ejus utilitatem per aliquod tempus differatur.

Ratio autem à priori est, quia confessor¹⁷¹ non solum est iudex, ut dixi, sed etiam medicus, unde sicut in penitentem imponenda ita exercet officium iudicis punientis, ut debeat simul exercere officium medici curantis, atque ad eò procurare, quod impositio penitentia sit utilitatem & medicinam penitentis.

quo reddatur magis cautus & fortis contra tentationes; sic in proferenda absolutione, licet principaliter exerceat munus judicis absolventis poenitentem dispositum debet tamen simul procurare, ut medicus, in ipsa absolutione curationem poenitentis, eo videlicet modo absolvendo, qui magis cedat in utilitatem & remedium ægroti: ad utrumque enim habet jus confessarius, nec potest prohiberi à poenitente, quod in ipsa absolutione exerceat officium medici, sicut nec potest ab eo prohiberi, quod in impositione poenitentiae non sit merus judex, sed etiam exerceat officium medici.

Cum ergo Confessarius judicat expedire dilationem absolutionis ad hoc ut poenitens reddatur magis cautus, & confirmetur in proposito non peccandi, nec ita facile postea relabatur, potest certè & debet aliquando ut medicus hoc remedium poenitenti adhibere, nec potest ægrotus rationabiliter conqueri adversus medicum, cui se in hoc Sacramento curandum tradidit: neque in hoc debemus recedere à sententia communi, cui adstipulatur experientia multorum poenitentium debilium, qui hoc remedio adhibi-

(31)

brevi tempore solent curari, & pro
 aeris potissimum videtur magis necessa-
 um, qui hoc modo melius concipiunt
 necessitatem perseverantiæ in proposito
 non peccandi.

Sed multò magis, displicet quod 172
 illicet, pœnitens interrogatus à confes-
 sario de consuetudine præteritâ non debe-
 respondere, sed possit eam occultare,
 cum aliqua æquivocatione negare. Hoc
 quam, est contra omnes Theologos,
 contra praxim ecclesiæ, & contra finem
 huius Sacramenti.....

Ratio autem est eadem, quia scilicet con- 173
 fessorius, cum sit iudex & medicus, habet
 ad interroganda illa, quorum notitia
 necessaria est ad utilem correctionem vel
 penitentiam imponendam: quare sicut di-
 versam penitentiam debet imponere pro
 cento centum milliū aureorum, quam pro
 cento unius aurei, & ideo potest illam cir-
 cūstantiam interrogare, sic multò magis
 oportet cognoscere statum pœnitentis in
 ordine ad consuetudinem præteritam, ut
 sciat quænam medicina sit illi hic & nunc
 applicanda, & an indigeat dilatione ab-
 solutionis, ut hoc tandem modo cûretur.

Nec hoc est cogere pœnitentem ad
 confitenda

confitenda bis eadem peccata, nam in hac secunda confessione non dat pro materia confessionis consuetudinem præteritam, nec de illa se accusat, sed explicat illam indirectè ad declarandum statum suum & indigentiam præsentem, quâ ratione non est novum obligari aliquando poenitentem ad declarandum iterum peccata, de quibus antea confessus fuerat.

Disp. 22. sect. 2. num. 16.

n. 16 **D**ifficultas est an confessarius obligationem habeat interrogandi poenitentem circa alia peccata quæ non dicit; an vero possit contentus esse iis, quæ dicit ex se non quærendo de aliis

17 Imprimis conveniunt omnes, quod quando ommissio alicujus peccati provenit ex defectu diligentis examinis, debet confessarius illud in memoriam reducere, si ve negligentia illius examinis fuerit culpabilis; si ve etiam inculpabilis, & orta ex ignorantia & tarditate poenitentis qui non scit melius se examinare, prout oportet et

18 Ex quibus probari potest, debere etiam confessarium interrogare eum, qui diligenter se examinavit, si peccatum obli-

tus

(33)

s illud prætermittit: quia si non esset
 interrogandus, qui satisfecit obligationi
 ligenter examinandi suam conscientiam
 :que etiam esset interrogandus rusticus,
 ui multa omittit ob ruditatem & igno-
 ntiam, nam hic etiam diligenter se exa-
 inavit: quod autem peccata taceantur
 :propter oblivionem vel propter ignoran-
 am, parum refert, cum in iure oblivio
 :ignorantia inculpabiles semper æqui-
 rentur, & cum illa ignorantia potuit
 are diligens examen juxta capacitatem
 am: & tamen omnes fatentur rusticum
 interrogandum, ergo & ille alius inter-
 rogandus erit, cum eadem sit ratio de
 roque....

Ratio autem à priori desummi videtur 19
 :officio Confessarii, qui iudex est pro-
 rens sententiam non solum circa illa
 :peccata quæ audit, sed circa personam,
 iam, dum Sacramentaliter absolvit, ju-
 cat illam debere reconciliari cum Deo,
 quantum est ex se reconciliat. Ad hoc
 tem oportet, quod cognoscat plenè
 tum statum conscientiae poenitentis, ad
 lendum an sit aliquid, quod obstat
 isynodi reconciliationi. Quare quoties
 det, non plenè manifestari ab ipso poe-

E. nitente.

nitente, debet ille ex officio inquirere; alioquin si non haberet obligationem inquirendi & interrogandi, non solum non deberet, sed nec posset interrogare de aliis peccatis, sed solum deberet proferre sententiam juxta ea, quæ audit, nihil aliud interrogando. Certum est autem posse confessarium, quia judex est, interrogare, imò debet id facere, ut constet cap. *omnis utriusque sexus de pœnis & remiss.* ubi dicitur, *fit sacerdos discretus & cautus more periti medici, diligenter inquirens peccatorum circumstantias &c.* Et potest non solum circa illa peccata, sed de aliis interrogare, ut plene informetur, antequam proferat plenam absolutionem personæ, ergo debet ita facere quia judicium prudens semper prærequirit plenam informationem & examen testium circa ea, quæ pertinent ad sententiam proferendam.

- ¶ 1. Infero secundo, quid dicendum sit de obligatione, quam habent Confessarii Prælatorum principum, gubernatorum & similium, quando vident aut sciunt ipsos non satisfacere revera suo debito circa collationem beneficiorum electionem ministrorum, subditorum gubernationem, circa

(35)

nirca eleëmofynas & alia fimilia. Qua-
re regulariter confeffarius tenetur ad mo-
nere pœnitentem , quicumque ille fit ,
de fua obligatione ; nec fatisfacit fuo mu-
neri abfolvendo à peccatis , quæ pœni-
tens dicit ; fed potius imponit fuis hume-
ris peccata cætera & errores , quos in pœ-
nitente diffimulat , & cœco cœcum du-
cente , ambo in æternam foveam cadent.

Si formidat ergo potentis faciem , non
affumat fibi Paftoris officium , fed mode-
stè fe excuset , tamquam minus aptus ad
illud onus portandum. Hæc autem dicta
sunt de confeffario , qui fcit pœnitentem
non fatisfacere reverâ fuo debito : fi au-
tem hoc non fcit , fed habet rationem du-
bitandi , interroget pœnitentem , quali-
ter fe gerat in his &c.

E 2

DE

DECRETUM,

Illustrissimi atque Eminentissimi Domini

GRIMALDII,

S. R. E. Cardinalis & Archi-Episcopi Aqueensis.

*Casus Ordinarii quibus Confessarii debent negare, aut differre absolutionem.**Quorum retinueritis peccata retenta sunt.*
Joann. 20. vers. 23.

3 I (Pœnitens) quampiam inimicitiam gerit, & ex animo non ignoscit, suâque ex parte detractat facere quod oportet, ut cum inimicis in gratiam redeat,

4 Quando pœnitens est in proxima peccati mortalis occasione, si queat illam deferere, absolvendus non est, donec eam deferuerit: sin autem deferere nequeat, suspendenda est absolutio, donec sint emendationis signa & argumentum credendi, quod imposterum a lapsu in peccatum sese abstinebit, secundum salutare, quas confessarius illi præscribet medelas.

5 Neque impertienda est absolutio iis, qui

si peccandi occasionem aliis præbent
sicam tollant, medeanturque, quan-
tum ab ipsis dependet, malo, cui locum
derunt. Hujusmodi sunt:

1. Illi qui tenent Congregationes (*As-
sablées*) in quibus impia perpetrantur,
sphemix, excessus, nimix libertates
alia crimina.

2. Illi, qui habent picturas & effigies
ivias, quæque ad peccatum inducere
eunt; item & illi, qui eas conficiunt
divendunt.

3. Illi qui componunt, imprimunt
divendunt pravos libros, aut scripta,
continent quæpiam contra fidem, aut
judica contra probos mores.

4. Mulieres item & filix, quæ pe-
e nudato incedunt, dum sufficienter
itæ fuerunt de malitia, quæ in im-
lesto illo se vestiendi modo compéri-
nihil magis danda est illis S. Sy-
s dum ad eam ita accedunt.

5. Illi qui artem aliquam profitentur aut
cium, quæ exercere sine offensa Dei
moraliter impossibile esse experien-
locentur, nisi promittant desistere.

6. Offerenda est absolutio iis, qui sunt
ati consuetudini cujusdam peccati

ere licet in libris constitutionum diocesis Aquensis.

*Si autem cogitas, quia tota die contrarium à
lis confessarius fieri videmus. Respondet: ratio
is. Et qui hos canones non servant gravissime
ant. S. Bonaventura in Confessionali
. 4. de usu clau. partic. 1. Tunc enim
est absolutio praesidentis, cum aeterni arbi-
trii sequitur iudicis.*

S. Greg. homil. 26. in Evang.

Constitutiones & Instructiones

SYNODALES,

FRANCISCI SALESII,

piscopi & Principis Genevensis

in Ordinem digestæ & auctæ per

successorem ejusdem.

TIT. IX. CAP. V.

*absolutione, & quando differenda
sit & neganda?*



Erum, sicut probus usus, quo,
confessarius utitur eâ, quam
habet, absolvendi facultate,
vigorem poenitentiae sustentat,
ahit peccatorem servitute, & ædificat
ecclesiam

ecclesiam, quæ clavium regni cœlorum
fidelis est depositaria: ita nihil quoque
reperire est, quod illam majori conteme-
ret probro, & tantopere enervet illius
disciplinam, quodque peccatorem ini-
quitaribus suis atque abominationibus
æque faciat indormiscere, quam absolu-
tionis abusus, quem admittunt sacer-
dotes illam impertiendo pedissequi &
mancipii adinstar, magis quam iudicis,
remisso flagitiosoque complacendi ani-
mo, atque imprudenter ante serium exa-
men, num dignus sit pœnitens, illam præ-
cipitando.

Hi sunt palpones ii & incircumspecti,
quos S. Cyprianus inquit invehere in ec-
clesiam lenem crudelitatem, pietatis &
misericordiæ nomine larvatam. Ejusmodi
absolutionem compellar irritam & falsam,
pacem dantibus perniciosam, & accipien-
tibus nihil profuturam: quia eam impen-
dendo operiuntur dumtaxat morientium
vulnera, pro eo quod vera medicamina
illorum malis forent applicanda, & ægro-
tis mors pro valetudine infertur.

3 Eapropter ut hi abusus tollantur, con-
fessarii different absolutionem illis, quos
hæc gratiâ indignos judicabunt. Cujus-
modi

(41)

modi sunt qui vitam immutare re-
 uunt : qui rancorem, quo aduersus pro-
 ximum laborant, nondum decoxerunt:
 ui admoniti in confessione, ut præcipua
 dei mysteria aliaque saluti necessaria ad-
 iscerent; præ socordia intermiserunt :
 ui dum sunt solvendo, obliganturque,
 bona alterius non restituerunt: qui proxi-
 mam peccati mortalis occasionem, dum
 bisque scandalo fieri potest & periculo,
 & non deseruerunt : qui vitiosis habiti-
 bus, puta blasphemiae, luxuriae &c. era-
 licandis, omnes nervos non intenderunt
 in confessione alias commoniti & corre-
 ti: qui publicum proximo scandalum
 lederunt; dum neque illud sustulerunt,
 neque pro eo satisfactum est legi po-
 terunt plures casus; quibus poenitentem
 dimittere oportet, in instructionibus S.
 Caroli &c.

Quandoquidem complures confessarii 4
 esse faciles exhibeant, ut impendant abso-
 lutionem ad eam, quam faciunt poenitentes
 pollicitationem se emendandi, occasionem
 proximam deferendi, &c. diligens exa-
 men instituendum est, an idem in ante
 actis confessionibus jam tum promiserint:
 si quidem id polliciti fuerint, nec tamen
 F stete-

steterint verbo, non est, quod Confessarius fidem habeat, sed absolutionem differat, donec sint ab occasione sejuncti, & quidem donec aliquo tempore illam non repetentes vixerint.

- 6 Ne quispiam offendiculum sumat, quod negetur absolutio aut differatur, recitabitur *miseretur* capite cooperto, aliarque preces, sic quidem ut pœnitenti significetur, quod non sit absolutus, attemperabiturque absolutionis negatio, ipsi monstrando peccati sui enormitatem, dicendo quod eo pacto otium detur expendendi offensas suas contra Deum admissas, faciendique aliquam pœnitentiam ad veram pœnitudinem obtinendam: quodque non desint rationes dubitandi, an verè peccatum deferere decernat, cum post tot promissa non fecerit.

(43)

TESTIMONIUM,

R. P. F. LUDOVICI GRANATENSIS

Ord. S. Dominici, S. Theologiæ
Professoris.

EX QUO PATENT,

*Conversionis difficultas, Christianè
viventiū paucitas, quidam con-
cionatorum defectus, & necessitas
vitandi occasiones peccati.*

Lib. 1. ducis Peccatorum 3. parte.

IN QU A,

*Respondetur ad omnes excusationes,
quibus homines se tueri solent qui
virtutem nolunt amplecti.*

Ascitur itaque illa (difficultas
conversionis) non ex impedi-
mentis & occupationibus, quas
illi imaginantur: sed ex malo
habitu & corruptelâ perversæ consuetudi-
nis vitæ nequiter ante actæ, quam mu-
tare, mors quædam esse videtur, ut dici
solet.

Proficiscitur etiam hæc difficultas à
potentia dæmonis, qui peculiare quod-

F 2

dam

dam imperium habet in anima peccato mortali obnoxia.

Nascitur etiam ex eo, quod Deus procul abest ab anima turpitudine peccati imundâ.

Procedit denique hæc difficultas de corruptione potentiarum animæ nostræ, quæ graviter perturbantur, & corrumpuntur per peccatum, licet non in se ipsis, in suis tamen operationibus & effectibus.

Idem Salvator noster ostendit in resurrectione Lazari quatrIduani, quem tanto clamore & fremitu Spiritus excitavit; cum tamen alios mortuos multò levioribus difficultatis signis excitasset: ut significaret Dominus, quam ingens miraculum sit Deum quatrIduanum & fœtentem resuscitare: hoc est, in consuetudine peccandi sepultum convertere.

C A P. XXVI.

QUod si mihi objicias pœnitentiam Ninivitarum, quæ ex timore, ne quadraginta dierum spatio perirent omnes, processit; considera tu non tantum asperimam pœnitentiam, quam illi subierunt, sed & vitæ mutationem. Muta tu quoque vitam

(45)

vitam tuam eodem modo, & non destituet te eadem misericordia. Cæterum video te vix ab infirmitate convaluisse, & vix electo surrexisse, cum statim ad primum vitæ genus recurris, & revocas omne id, quod quamdiu infirmabar, proposueras. Quare tibi considerandum relinquo, quid de tua poenitentia censeam.

CAP. XXVII.

Dic mihi, quæso, quis te argumentari docuit, ut ex eò quod Deus bonus est, concludas licere tibi peccare, & iniquitatem sequi? videtur mihi Spiritus Sanctus alio modo concludere: ut nimirum ex eò, quod Deus bonus est, colligat eum dignum esse, qui colatur, cui obediatur, qui ametur super omnia.

Cæterum partem eam, quæ Christianorum nomine celebris est, intueri & videre, quo loco res Christianorum hoc exulceratissimo nostro sæculo sint constitutæ, & fateberis in hoc corpore mystico à planta pedis ad verticem capitis vix aliquod membrum sanum reperiri. Cape quamcumque vis ex civitatibus celebrioribus, in quibus saltem aliqua doctrinæ existent adhuc vestigia: discurre postea per minora

nora oppida, pagos, vicos & castella, in quibus vix reperitur memoria, & inuenies populos, de quibus verè affirmari potest illud Jeremiæ: *Circuite vias Ierusalem, & aspice & considerate, & quarite in plateis ejus, an inueniatis virum facientem iudicium, & quarentem fidem: id est vere iustum, & propitius ero ei.* Perambula porro non dico tabernas & loca publica (ea enim ferè mendaciis, nugis & imposturis sunt dedicata) sed domos vicinorum attende & ausculta, uti Hieremias, & cognosces neminem esse, qui quod bonum est loquitur, nec quicquam præter murmura, mendacia, execrationes, juramenta & blasphemias audies: hîc resonant lites & contentiones, illic minæ & calumniæ. Nullus est qui agit *pœnitentiam super peccato suo dicens, quid feci?* re dênique ipsa experire corda & linguas hominum nullis aliis rebus vacare, quam terrenis & propriis commodis: nec audies amplius Deum in suis operibus appellari, sed in juramentis & execrationibus ejus nomen blasphemari: quam sui nominis memoriam Deus conqueritur apud eundem Prophetam dicens: *Rêcordantur mei, sed non oportet, jurantes mendaciter in nomine meo.*

(47)

meo. Ita ut per notas exteriores vix sciri queat, an populus hic Christianus sit, an verò gentilis, nisi fortè per modum, quo campanas cognoscimus, quæ quidem videntur à longè sed ex sonitu cognoscuntur: sic eos ex juramentis & blasphemiiis cognoscas quæ è vicino audiuntur: cætera sciri aut indicari non possunt. Sed quæso, quomodo possunt tales annumerari his de quibus dicit Isaias: *qui viderint eos cognoscant illos, quia isti sunt semen, cui benedixit Dominus?* Quod si vita Christianorum talis esse debeat, ut, qui illos tēminus viderint, judicent filios esse Dei, quo loco habendi sunt illi, qui potius videntur esse derisores, impostores, & contemptores Christi, quam veri Christiani.

Optima spes est, si peccatā fugias & Deum invoces: sin autem in peccatis tuis perseveres, non est illud sperare sed præsumere: non est hoc sperare misericordiam, sed est rem indignam illa facere atque illam offendere. Quemadmodum enim ecclesia nihil prodest illis, qui exeunt ab illa, ut male faciant, sic etiam æquum est, ut misericordiā Dei non profit his, qui in peccatis perseverant. Illud ante omnia divini verbi dispensatores considerare

considerare deberent qui sæpe non animadvertentes apud quos conciones habent malis præbent occasionem in peccatis perseverandi. Respicere deberent, quod sicut corpus infirmum seu ægrotum, quo plus comedit, hoc majus accipit detrimentum; ita etiam anima in peccatis obdurata, quo plus illo genere fiducia lactatur, eo amplius induratur, & movetur ad perseverandum in peccatis. Coronidis loco insignis sit illa D. Augustini sententia: sperando & desperando pereunt homines. Sperando malè in vita, desperando pejùs in morte. Desine itaque mi Frater, & derelinque spem illam præsumptuosam: recordare, quia Dominus ut misericors, ita quoque justus est: quemadmodum itaque ad misericordiam respicis ut speres, ita quoque ad justitiam respice, ut metuas.

Lib. primo memorialis vite Christiana. De 1. parte Pœnitentie, qua. est contritio & de mediis quibus ad illam pervenitur.

Occasiones vitanda. Sic qui negotium aliquod habent inhonestum aut turpe propositum aut illicitam affectionem, debent sese ab hac pestilentia liberare, si gratia

(49)

gratia hujus Sacramenti cupiant gaudere.
 Nec sufficit cor & voluntatem à peccato
 separare, nisi etiam tollantur occasiones:
 alioquin peccata difficulter tolluntur. Qua
 in re decipiuntur multi, qui intentionem
 & propositum suum justificantes, putant
 sese extra periculum esse, etiam in me-
 diis peccandi occasionibus, & ignorant
 quia in ædibus reservatur semen peccato-
 rum, quod suo tempore germinabit. Hanc
 ob causam dicit S. Bernardus: quotidie *S. Ber.*
 conversari vis &c. *Serm.*

65. in
cant.

Propterea necesse est occasiones pec-
 candi omnes tolli, præsertim cum velum
 pudoris aut verecundiæ laceratum & abla-
 tum, viaque ad vitia semel est aperta:
 patente namque portâ (moraliter loquen-
 do) impossibile est malum ulterius non
 procedere. Quod si mihi dixeris, diffi-
 cile tibi esse occasionem fugere, si enim
 hoc faceres, debere te ædibus tuis ex-
 cludere hanc aut aliam personam, cui
 obligatus es, aut quæ tibi utilis est vel
 necessaria. Huic objectioni quod respon-
 deam, aliud non habeo, quam illud Salva-
 toris: si pes tuus vel manus tua scandali-
 zat te, abscinde eam & projice abs te; me-
 lius est enim debilem vel claudum ad vi-

G

tam

tam ingredi, quam duas manus vel duos pedes habentem mitti in gehennam.

TESTIMONIUM,

R. P. CORNELII à LAPIDE
 è Soc. Jesu in Epist. S. Jacobi. edit.
 Antwerp. Anno 1627. cum Appro-
 bationibus & Privileg.

Ad cap. 2. vers. 13. *Judicium enim sine misericordia illi, qui non fecit misericordiam: superexaltat autem misericordia judicium.*

Ostenditur salvandorum paucitas vera conversionis difficultas: & quid concionandum.



Lures ex Christianis adultis damnari, quam salvari, suadere videtur ratio & auctoritas.

Ratio Ratio 1. quia longè plures fuere dam-
 1. nati tam in statu legis naturæ, utpote in quo omnes perierunt per diluvium, ex quo solus Noë justus cum suis filiis eorumque uxoribus evasit: quam in statu legis moysaicæ, utpote in quo omnes egressi

(51)

egressi ex Ægypto, puta sex centa hominum millia, & amplius, ob murmur & peccata perierunt in deserto, tantumque duo, puta *Josue* & *Caleb*, ingressi sunt terram promissam: filii autem pereuntium, qui ingressi sunt eandem, non fuerunt meliores parentibus: multi etiam Christiani iis non sunt meliores.

Secunda. Quia longè major pars Christianorum vivit in statu peccati mortalis: juxta regulam autem S. August. sicut quis vixit, ita & moritur; ut rarò, qui malè vixit, bene moriatur, & vice versâ. Dices, omnes suscipiunt S. Sacramenta in fine vitæ. Resp. non omnes: nam multi in præliis, navibus, montibus, pagis &c. moriuntur sine Sacramentis. Rursum ex iis qui ea suscipiunt, multi ea malè suscipiunt, ac proinde peccata non expiant: multi enim laborant ignorantia crassâ articulorum fidei, quos explicitè scire & credere tenentur, æquè ac Sacramentorum; ac præsertim ignorant efficax propositum abstinendi à peccatis requiri, ut quis sit capax absolutionis, & nesciunt, quam fortis & constans resolutio animi requiratur, ut propositum censeatur esse absolutum & efficax. Alii, esto, sciant

G 2

necessa

necessaria salutis, tamen vivunt incurii suæ salutis, toti intenti colligendis divitiis & dignitatibus, fabricandis domibus, hortis, vineis &c. Ut rarò vel numquam de Deo & vita æterna, deque conscientia sua cogitent, nisi in paschate, idque idcirco tantum, quia coguntur præcepto Ecclesiæ confiteri & communicare, peracto paschate illicò ad res terrenas redeunt, iisque se immergunt, imo obruunt. Alii irretiti sunt usuris, simoniis, bonis injustis, quæ restituere nolunt. Alii habent pellices, vel obscænis amoribus sunt impliciti, ut iis se expedire nequeant, quia seriò se expedire nolunt. Alii fovent lites, rixas, & odia immortalia.

- 3 Denique multi, esto, sciant propositum efficax requiri ad absolutionem, tamen illud procurare & habere non satagunt; sed habere se simulant, imo sibi ipsis falsò persuadent. Est enim propositum hoc serium res ardua, sublimis, & difficilis: multi autem nolunt vim sibi adhibere, & ad rem tam arduam totis viribus coniti, præsertim in morbo & articulo mortis, cum ratio, iudicium, sensus & vires hominis debilitantur & sopiuntur, unde ex habitu tot annorum in morte for-
- mant

(53)

mant tale, quale solent in paschate, scilicet superficiale, verbale & inefficax.

Hâc enim justâ animadversione punitur peccator, ut qui vivens oblitus est Dei, moriens obliviscatur sui, ait S. Gregorius, & S. Augustinus lib 3. de Lib. Arbit. illa est pœna peccati justissima, ut qui rectum facere, cum posset, nolit, amittat posse cum velit. Porro multos carere hoc serio proposito colligitur ex variis indiciis.

Primum est quod hoc propositum obiter semel eliciant in paschate: ad hoc ut *Primâ* confiteantur; quia ad hoc à pastoribus coguntur: unde hoc propositum magis extortum est & coactum quam liberum & spontaneum, hinc mox à paschate & confessione ad suas cupiditates, vitia & scelera redeunt; uti multi redeunt ad eadem post confessionem in periculo mortis peractam, si periculum hoc evadant & revalescant: qui reditus signum est illud propositum fuisse coactum & metu mortis extortum, non sincerum & serium.

Secundum, quia multi malos habent habitus inebriandi se, fornicandi &c. rixandi, pejerandi, maledicendi, quos deponere nolunt, aut si volunt, non adhibent remedia ad rem tam inolitam defrican-

dam necessaria. Porro præ reliquis vitiis passim in hominibus dominatur luxuria & superbia, hæc duo potentissima sunt, implentque infernum.

Tertio Tertium quia multi habent principia politica aut vitiosa proposito huic directè contraria, in quibus à puero enutriuntur, adolescunt & vivunt v. g. injuriam tibi & tuis factam talione esse vindicandam, inglorium, vilem & infamem esse qui id non faciat: duellum si offeratur esse acceptandum ne honor perdat: in conviviiis cuilibet ad æquales haustus propinanti, esse respondendum, ideoque inebriandum. Ante omnia consulendum esse statui, prolibus, familiæ: ut statum honoremque retineas vel augeas, omni modo enitendum, nec curandas leges Ecclesiæ vel Dei, si obstant. Vitam & fortunas tuendas esse præ omnibus, etiam cum dispendio legis Dei: non esse tolerandas ignominias, calumnias, verbera, sed par pari referendum. Hæc autem dictamina & principia datâ occasione sæpius actu cogitant, destinant, confirmant, ac nunquam deponunt, ne in confessione quidem, adeo ut si à confessario de iis præcisè rogentur, respondeant se in iis perstituros.

(55)

ros: Quia ubi agitur de honore, lucro aut commodo, non curant conscientiam, nec Deum, nec infernum. Porro hæc preposita habitualiter imò virtualiter semper in iis manentia ex diametro repugnant proposito serio cavendi omnia peccata, denique legibus per omnia obediendi. Atque concionatores sæpe hæc non docent, non explicant, non inculcant, sed communem tramitem explicandi Evangelia sequuntur, peccatoribus commendant Passionem Christi, misericordiam Dei, largitionem eleëmofynarum, & cultum B. Virginis, quod illa sui cultores non sinat perire, nec descendunt ad vitia huic illive loco propria ut contra ea tonent ac fulminent, eaque extirpent. Unde urbis & populi manent in iisdem malis legibus, consuetudinibus, propositis, vitiis, nec ullum vel exiguum ex concionibus omnibus fructum referunt. Mutent ergo modum concionandi, si Deo, conscientiæ, Ecclesiæ, & auditoribus consulere satagunt, ut conscientias feriant, ex iisq; omne malum semen, quod in tali loco grassari sciunt, stirpitus evellant.

Quartum. Esto aliqui in morte confidentes concipiant verum propositum, ta-^{Qua}
^{so.}

men

men post confessionem, si pluribus diebus, ut fit, decumbant, recurrit memoria pristinarum cupiditatum, quæ animum iis se pascere solitum, ad consensum flectunt, ut in pravam cogitationem & delectationem morosam præteritæ & solitæ voluptatis illicitæ consentiat: præsertim quia dæmon tunc eandem menti obijcere & refricare solet, gravissimèque hominem tentare in ultimo illo duello, adeoque in ipso agone quo anima è corpore migrat: permittit enim id dæmoni Deus justo iudicio in poenam scelerum & negligentiae, qua sani & vegeti cupiditates illas mortificare non curarunt, sed eis indulserunt quasi equus & mulus: quare tunc multi succumbunt & pereunt, cuius rei plura funesta extant exempla. Verè enim dixit noster R. P. Franc. villa nova, uti refert P. Sacchinus tom. 2 Hist. Societ. lib. 1. n. 131. Passio & vitium, quod in vita mortificare neglexisti, acriter tentabit te ingruente morte.

Quintum. Virtus, salus & gloria cælestis est res, sublimis & ardua, superans omnes naturæ vires; ex altera parte hominis natura per peccatum corrupta, & planè ad res terrenas depressa est, tamque vivi in

(57)

piditates. Opum, honorum, commoditatum, deliciarum, ut vix apprehendat aut capiat res cælestes, multò minus ad eas se erigat, & totis viribus connitendo assurgat. Esto enim gratiâ Dei præveniatur, tamen illa perinde se habet in homine lapso ac medicina in homine infirmo ac prostrato; ut illum vix erigere queat; & si erigat, facile rursus collabatur ac corruat. Quare in hac generali naturæ corruptione facile est cuilibet inter tot occasiones & tentationes carnis, mundi & dæmonis, labi in aliquod peccatum mortale; ex eo autem resurgere per pœnitentiam & propositum efficax, arduum est & perdifficile. Atque hæ sunt duæ causæ & quasi duo poli in quibus vertitur hujus quæstionis cardo: puta damnandorum multitudo & salvandorum paucitas. Vera est enim gnome S. Justinii apud Damascenum lib. 2. Paralip. cap. 87. *Animus ad ea bona, quibus excidit, agere revocari potest, ac rursus ab iis, quibus assuevit malis, non facile extrahi potest.*

Sane harum rationum momenta & experimenta coegerunt viros sapientes ac inter eos nostrum Benedictum Justinianum mutare sententiam, ut cum prius sensisset, plures è Christianis salvari, hoc

H

loco

loco sententiam revocet, censeatque plures
damnari. Romæ audiivi plures idem sen-
tientes; ac inter eos celebris nuper Do-
ctor & concionator passim prædicabat
confessiones eorum qui imminente morte
confitentur, cum malè vixerint cæteris
antea totà vitâ factis, esse deteriores.

TESTIMONIUM.

ad quædam R. P. FLORENTII HARLEMIENSIS

Prioris Carthusianorum Lovanii in li-
bro, qui inscribitur, via vitæ: sive Li-
ber Spiritualis instruens, quomodo
Christianus debeat incipere, & pro-
gredi in virtutibus. Cum Approbatio-
ne Doctorum Lovaniensium. Antwer-
piæ 1542.

SIC LATINÆ SONAT.

*Multa d. Confessoribus, Pœnitentibus & Conciona-
toribus deservit, & ad doctrinam S. Caroli
opportune tradit.*

Parte 1. Cap. 21.



Omperuntur, qui confitentur
in certum tempus ex consuetu-
dine magis quam devotione, aut
desiderio propositore emendæ.

Horum aliqui induerunt quemdam confi-
tendi

(59)

tendi modum, quem semper observant, proloquentes identidem verba eadem, confitenturque, ut nonnulli orant legentes *Pater & Ave*, & nihil præterea. Hujusmodi (uti timendum est) raro confitentur benè, ac dicunt interdum plus minusve quam fecerint, quique semper eodem confitentur modo, facile suspicandum de iis, quod numquam advertant ante, aut conscientiam discutiant; ast solum ex consuetudine confiteantur. Nonnulli etiam ex consuetudine confessionem instituunt absque verecundia aut dolore, atque denarrant peccata sua (ut Bernardus ait) velut communis sermo, aut aliud factum referri solet; & animæ suæ ægritudinem instar Historiæ memorant absque verecundia aut compunctione alicujus poenitentiae, & fermè absque contritione aut proposito emendæ, quapropter nullum conscientiae solamen obtinent è confessionibus, &c.

Oportet illum, qui confessionem instituere cupit, atque imprimis, quem gravia crimina premunt, prudentem esse, ut quærat ejusmodi sacerdotem, qui sapiens sit, quique valeat te instruere, at-

H 2 que

que absolutionem impendere : sicut S. Augustinus , inquit , in lib. de Pœnit. qui confiteri cupit , quærat sacerdotem qui *benè* novit solvere & ligare , ne , qui te ad pœnitentiam excitat Deus , te quoque deserat , si non agat tecum , ut oportet , in confessione , & ne unâ cum confessario in foveam cadas , ut fieri solitum est , dum cœcus cœco ducatum præstat , dum confessarii peccatores non satis examinant , aut peccata , quæ gravia tamen sunt , non satis ponderant , aut peccatores non instruunt , puniunt , vel etiam solantur pro peccatorum exigentia , aut satisfactionem , velut peccata postulant , non imponunt : unde peccatores minoris faciunt peccata , & facilius eadem rursum committunt , quia confessarius non magni facit. Quemadmodum vetus habet adagium : qui facile malefacta ignoscit , facile relabendi ansam præbet. Sic igitur qui animæ suæ salutem vel parvi æstimat , par est , ut quærat confessarium tantâ doctrinâ tantâque pietate , quanta reperiri potest , aut ad minus , qui sat capax sit , faciatque in hunc modum , quo morbo corporali laborans , potius consulit expertissimum medicum , quam imperitum.

.... Quò sacerdos minorem habet de gravitate peccatorum notitiam, eò quoque difficilius consulere aut juvare potest; ideoque imprimis consulendum est, & omnino convenit ad perficiendum confessiones, ut quis confessario suo plenam exhibeat vitæ, status & personæ cognitionem. Si in peccatum mortale frequenter fuit relapsus, post susceptam ab illo in confessione absolutionem, planè expedit, ut ille dicat, fateaturque se illud peccatum amplius commisisse, & ab eo fuisse absolutum, neque tamen deseruisse, aut ab eo resipuisse. Timendum quippe est, ne in confessione præteritâ quid defecerit in ipso, utpote non sat disposito ad Sacramenti effectum percipiendum.

.... Hoc jam incuriâ sacerdotum.... C. 24
 eosque elanguit, ut pœnitentiæ non solum nihili fiant, sed quò placeant peccatoribus, eosque exonerent, pro enormibus flagitiis subinde exiles injunguntur satisfactiones, quæ etiam minimis peccatis eluendis non sufficerent, quod in purgatorio postea gravius luent. Comperiuntur hujusmodi confessarii & concionatores, qui peccatores aliud docent nihil, quam ut multum confidant divi-

æ benignitati & misericordiz : quam
 lubenter Deus veniam rogantibus pecca-
 toribus ignoscat : ast de justitia Dei , &
 ipso per magnam contritionem placando,
 satisfactionibusque pro peccato adim-
 plendis, nihil aut parum loquuntur. Quo
 fit ut populus fallatur, & minoris faciat in
 peccata labi , audiens peccata tam facile
 dimitti. Atque hujusmodi confessarii,
 nec non concionatores hodie conquirun-
 tur , & à plurimis laudantur , vocantur-
 que Patres & concionatores , qui conso-
 lantur homines : verum est , quod ti-
 meatur, ne simile consolatorum genus po-
 tius deteriores peccatores reddat quam
 correctiores : sicut medicus aut chyru-
 gus , qui ægrum aut sauciatum semper
 blandè tractat. de hujusmodi apud Eze-
 chielem terribilis est sermo Dei inquit-
 tis , quod illi populum decipiant dicentes
 pax , pax , dum non est pax : & tales
 presbyteros assimulat iis , qui parietem
 liniunt luto aut argilla absque tempera-
 tura paleæ , quæ litura non subsistet ad-
 versus imbrem. Neque absimilis est præ-
 dicatio eorum ; qui è suggestu de benigni-
 tate Dei atque illius misericordia sem-
 per dicunt , & justitiæ non meminerunt :

qui

(61)

qui multa de spe & amore verba faciunt;
 nulla verò aut paucissima de timore, &
 angustia portæ, quæ ducit ad cælum: de
 quibus iterum Dominus apud dictum
 Prophetam: vñ! qui consuunt pulvillos
 sub omni cubito manus: & faciunt cervi-
 calia sub capite universæ ætatis ad capien-
 das animas. Inter quos intellige ejusmodi
 magistros & confessarios, qui quemli-
 bet solantur, non puniunt, misericordiam
 Dei extollunt, justitiam subtrahunt &c.

TESTIMONIUM,

R. P. EMERICI DE BONIS
 è Societate Jesu in Tract. de SS. Sacra-
 mento Altaris, edito Romæ A.º 1595.
 cum Superiorum permissu & Appro-
 batione.

*Optime & per multorum experientiam ostendit
 aberrantes fructus tam Sanctæ praxis dis-
 ferendi absolutionem.*

Ex Cap. decimo nono.



Utilissimum contra recidivas, &
 multis experimentis confirma-
 tum remedium est, suspende-
 dere & differre absolutionem
 peccatoribus, ut parum poenitentiæ ad-
 minus

minus faciant; antequam accedant ad Sacram Communionem. Quia aliquis confitebitur infinita flagitia, & peccata horrenda, qui in eo statu volet postridie, aut postea communicare: quod nequaquam permittendum est; quia homo consuetudini & peccandi habitudini profundè immerfus, non potest resipiscere absque magna violentia, neque potest sine magnis conatibus ad veram compunctionem, displicentiam, & sincerum de peccatis, quæ admittit, dolorem se disponere. Quemadmodum arbor ingens non exciditur, aut dejicitur unico ictu; neque vas liquore foetulento imbutum, unicâ aquæ ablutiunculâ ingratum odorem deperdit; sed opus est ut diu in cineribus, & acri lixivio ebulliat: eundem in modum cum hujus formæ hominibus agendum est. Ducendi sunt per varia poenitentiae exercitia, quibus pertingant ad notitiam, dolorem & veram peccatorum suorum detestationem; & quia hæc praxis in illis non servatur, illicò ad vomitum suum revertuntur. Complures Confessarii Religiosi & prudentes testantur, quod peccatores innumeri verè conversi sint, & infelicem quam habebant peccandi consuetudinem de se

(65)

deferentes, magno cum solatio, & non mediocri in spiritualibus progressu, castitati se dedierint, quia usurpata fuerat circa ipsos tam sancta praxis, differendo illis absolutionem, adstringendo illos ut redirent frequenter ad confessarios, ad reddendam illis rationem vitæ suæ, & injungendo ipsis interea faciendam aliquam pœnitentiam. Verum quidem est, quod sub initium, molestiam ipsis peperit & fastidium, dum viderent se tam frequenter sine absolutione dimitti, & obligari ad graves & asperas pœnitentias; experti verò postea fructum, & magnam huius praxeos utilitatem, ingenti cum satisfactione & gaudio ad confessarios suos reversi sunt; & maximopere sese obligatos arbitantes, de eo modo, quo usi fuerant, gratias illis egerunt; candidè fatentes, quod vitam mutaturi numquam fuissent, nisi hoc modò secum fuisset actum. Nullum est dubium quin æger dum chirurgus premit ulcus, magnopere doleat; sed gratias illi agit, rependitque liberaliter, ubi se sanitati restitutum deprehendit.

I

TE

TESTIMONIUM,
R. P. JOANNIS BOSCO,
 Ord. FF. Minorum Lectoris Ju-
 bilati in Theologia Sacramentali.
 Parte 3.

*Qui testatur, quod pœnitentibus, etiam
 verè conversis, liceat quandoque
 absolutionem differre.*

Disput. 7. de Sacrament. Pœnitentiæ sect. 4.
 de dolore Sacramentali conclus. 11.

III m.
 296.



Ora difficultas est, an quando
 Confessarius omnibus confide-
 ratis judicat pœnitentem esse
 debitè dispositum, adhuc pos-
 sit aliquando negare absolutionem, seu
 potius differre in aliud tempus. Commu-
 nis sententia affirmat.....

Et quidem ex consensu pœnitentis pos-
 se differri, à nemine dubitatur. Equè
 certum est, non posse differri, quando
 ex dilatione timetur majus damnum spiri-
 tuale, quam bonum, ut puta, quia con-
 cipiet aversionem à confessione, non am-
 plius rediturus. Oportet ergo ut adsit justa

&

& rationabilis causa, ut possit sine consensu poenitentis differri, & quia illa non semper adest, & fieri potest, ut aliquando adsit, ideo dixi in conclusione, *non semper debet absolvi*, id est aliquando potest absolutio differri, scilicet ex iusta & rationabili causa.

Probat: quia, licet poenitens legitime dispositus habeat jus ad absolutionem, non tamen ad hoc, ut statim proferatur; potest quippe iudex arbitrari, quando & quomodo utilius debeat proferri sententia quando meritò timet poenitentem nunc absolutum facile relapsurum, nisi territus dilatione absolutionis, gravitatem peccati & necessitatem emendationis agnoscat, poterit sacerdos differre absolutionem ad maiorem poenitentis utilitatem. Ego, inquit, Arriaga, supra n. 39. dicere possum, me multoties cum aliquibus juvenibus hoc remedio usum, & feliciter illud mihi successisse.

Confirmatur: quia ex communi doctrinâ potest confessarius obligare poenitentem ad satisfactionem ante absolutionem, non quidem per modum vindictæ, sed medicinæ, quando id iudicat necessarium vel utile v. g. quia alias sæpe satisfactionem

tionem omisit, Imò, inquit Lugo, disp. 14. num. 170. apud Græcos sic solitum fieri, ut nemo ante expletam poenitentiam absolveretur, dicit Palatius in 4. dist. 15. q. 1. ex Nicephoro lib. 11. cap. 26. quod cum publicis peccatoribus olim servatum fuisse, colligitur ex Catechismo PII V. de Sacram. poenit. n. 68. hæc ille.

Verum Catechismus PII V. quo ego utor, non habet, nisi numeros seu quaestiones 63. & in his nihil reperio ad hoc propositum

Ut ut sit, ab hoc... non pendet veritas nostræ conclusionis; cujus ratio à priori est; quia sacerdos non solum est iudex, sed etiam medicus, sicut ergo in satisfactione imponenda, præ oculis habere debet ut non sit tantum ad præteritorum peccatorum vindictam & castigationem, sed etiam ad vitæ novæ custodiam & infirmitatis medicamentum, ita quoque in danda absolutione; neque in isto officio impediri potest à poenitente,

TESTIMONIUM,

R. P. JULII CÆSARIS.

Recupiti Neopolitani è Soc. Jesu.

EX QUO

*Colligitur, quod Recidivatio sit signum
fictæ Pœnitentiæ.*

TRACTATU SECUNDO.

De Numero Prædest. & Reprob. Capite Sexto.

Mnis pœnitentia ficta reprobationis est signum: sed recidivatio reducitur ad pœnitentiam fictam, ergo recidivatio reprobationis est signum: & sic recidivi recensendi sunt inter reprobos. Major patet ex allatis tractatu præcedenti cap. 5. minor probatur ex Patribus. Ambros. in 2. ad Corinth. cap. 2. pœnitentia vera est cessare à peccato: sic enim probat dolere se, si de cætero desinet: ergo à contrario pœnitentiæ falsæ signum est, & ficti doloris, si de cætero non desinat. Augustinus Serm. 1. de pœnitentia & jejuniis: irrisor, inquit, est, non pœnitens, qui adhuc agit quod pœnituit, & peccata non

I 3

minuit,

minuit, sed multiplicat. Hoc autem de iis etiam, qui poenitentiam agunt cum lachrymis, sed iterando peccata, pronuntiat Fulgentius lib. 1. de remissione peccat. Cap 12. ubi nonnulli, inquit, scelerum suorum consideratione perterriti pro iniquitatibus suis in oratione gemunt, nec tamen &c. Ex hoc argue, quid dicendum de iis, qui sunt sine lachrymis recidivi.

Tr. 1. Sicut magnum est prædestinationis
e. 6. signum confessarios eligere probos & do-
*de si-*ctos: ita par est reprobationis signum,
gnis nullam aut paucam adhibere in hoc dili-
*prad*gentiam sicut, quod multò est pejus, stu-
*erre*diosè deligere, qui laxiores habentur,
prob. neque aut valde idonei, aut valde pii. Si-
 gnum est enim animi non curantis verum
 poenitentiae effectum, ad quem non minus
 conducit bonus confessarius, quam ad
 valetudinem recuperandam bonus medi-
 cus. Sicut igitur fictè valetudinem op-
 tat, qui æquali pecuniâ medicum non
 deligit meliorem, ita &c.

TESTIMONIUM,

R. P. FRANCISCI à PUERO JESU,
Ordinis D. Virginis à Monte Car-
meli in instructione necessaria ad
Sacramentum Pœnitentiæ bene
& salutariter suscipiendum Flan-
drice editâ Gandavi 1667. cum
Approbatione &c. excerpta La-
tino Sermone sic donantur.

*In Casibus hîc expressis optimè convenit
cum Sancto Carolo Borromæo.*



Expressi non possunt abusus,
cæcitates & Sacrilegia quæ hac
tempestate in Sacramento Pœ-
nitentiæ committuntur : cõ-
ventum est, ut plurimi comperiantur, qui
satis esse arbitrantur, peccata sua confite-
ri, non emendando vitam suam, neque
peccata verè & seriò deferendo, aut pœ-
nitentiam agendo, fallentes se ipsos, cre-
dentesque quod per ejusmodi confessiones
à Deo peccatorum suorum remissionem
consequantur. Discurrunt à Confessario
ad confessarium, quærentes alicubi quem-
piam

piam, qui ne verbum quidem profert, quique exiguam imponit pœnitentiam: si usquam incidant in confessarium, qui ipsis veritatem odicit, rectamque & medicinalem injungit pœnitentiam, illum non amplius accedent. Sed animum hîc advertite: è quo spiritu & fundo id proficiscitur? quæ est ratio? alia præter hanc nulla: quia latente quodam affectu adhuc affixi manent peccatis suis: quia conversio non provenit è cordis mediullio, quia illos non verè pœnitet, nondum habent firmum absolutumque propositum & decretum vitam reverâ emendandi, & deserendi peccata. Si enim rem ipsam putarent, quærerent sibi peritum confessarium, qui veritatem eloqueretur, suamque ægritudinem opportuno medicamine curaret.

Cap. Adjicienda est hîc alia observatio ad
 34. quosdam peccatores, qui adeò excæca-
 p^{ag.} ti sunt, tamque affixi peccatis, ut si quan-
 322. do confessarius absolutionem ipsis meritò neget, judicans rectè illos non esse idoneos, neque ritè dispositos, illi alium accedunt, cui peccata sua non ita enarrantes, vel illo rem non ita, ut se habet, comprehendente (quia ingenio pinguio-

ri est, non æquè ac alii negotium percipit) absolutionem captitant atque ita quiescunt. Magnus hic dolus est, ejusmodi quippe absolutio nullius est valoris, & qui agit in hunc modum sacrilegium committit: coram Deo quippe nequaquam absolutus est: hujus namque antea commonefactus fuit. Siquidem dicente Sancto Thoma confessarius neminem valet absolvere pro libitu suo, quia solummodo est instrumentum & minister Dei; propterea secundum voluntatem Dei operari debet; idcirco si hoc non faciat, sed terminos potestatis sibi à Deo datæ egredjatur, invalidum est: & quamvis dicat, absolvo te, Deus ratum non habet. Non est igitur, quod sibi quispiam dolum faciat, qui non habet dispositiones ad hoc sacramentum requisitas, à nullo, ne pontifice quidem Romano, absolvi potest: & licet alteri sæpius confiteretur & absolutione donaretur, nihil quidquam valet. Sit igitur unusquisque circumspectus.

..... Pœnitentes in peccatum mortale prolapsi debent tempus vacuum & opportunum otium sibi comparare, illudque impendere, ut se ad confessionem ritè præparent, ut verum dolorem in se eliciant & seriò accingant se orationi; alioquin numquam obtinebunt necessariam

ad confitendum dispositionem.

Cap. Duo sunt necessaria confessario, oratio
 34. videlicet & studium, at inprimis oratio
 pag. atque in sacrificio missæ præsertim, ut
 319. magna cum reverentia, attentione & pietate quotidie sacrificium offerat precesque fundat pro poenitentibus; hoc enim ex fonte haurire debet scientiam necessariam, secundum quam ingenium studiumque dirigenda sunt, secundum doctrinam scilicet evangelii & lumen fidei & non secundum doctrinam Casuistarum quæ (sicut ait congregatio generalis cleri gallicani) corrupta est & perniciosa.

Absque præfata scientia & oratione caligabit confessarius in spiritualibus & internos dijudicandis, humana solum erit ipsi scientia, atque ingenium quod perquam caliginosum est & hallucinans, merrè audiet confessionem, & ne verbum quidem in confessione proloquetur aut interrogabit, satis esse, inquit, & conscientiae officiique partes adimpleri modo audiat et juducet peccatoris accusationem atque absolutionem impendat, neque obstrictum se esse aliud quidpiam aut petere aut præstare: hoc adversatur doctrinæ S. Caroli Borr. nequaquam sanè satisfacit muneri suo; tenetur enim (velut jam dictum supra) judicare quod peccator ille ritè

ritè dispositus sit & dignus, qui absolutio-
nem percipiat, quod scire nequit, nisi pe-
tat aliquid aut examinet. Verum excu-
sationis loco prætexit: ad peccatores spe-
ctat se ipsos examinare & de illis sese ac-
cusare peccatis, de quibus à conscientia sua
arguuntur, & sentiunt remorsum. Ad
hæc responderetur, cæcos esse peccatores
& non rarò ita inebriatos atque excæcatos,
ut peccata, quæ communia sunt, non repu-
tent peccata, nec cordi habeant, quan-
quam sint etiam mortalia; eapropter &
se & peccatores periculo committendi
Sacrilegium exponunt.

Non solum committit ejusmodi con-^{Eod.}
fessarius, qui peccatori imparato absolu-^{c. pag.}
tionem impendit, Sacrilegium, abutens^{314.}
ac prodigens merita Sacratiss. cruoris J.
C. ast præterea in dolum adducit animas
insciorum hominum, qui proh dolor! satis
esse autumant peccata confiteri & perci-
pere absolutionem.

Verum, inquires, meliora sperant & per-
suasum saltem habent illos jam ritè dispo-
sitos esse: Responderetur quod confessarium
oporteat esse virum sapientem, prudentem
& peritum, quodque peccator, dum in
malo radices egit, frequenter in peccata re-
labitur, occasiones nec deserit nec vitat &
no confessarii consilio non obsequitur,

non habeat itidem verum dolorem, ac proinde neque propositum à peccatis se abstinendi. Et licet (ut supra) fieri possit, ut peccator post seriam pœnitentiam queat relabi, dum æquidem recidit, præsumptio est contra ipsum: esto etiam, non careat confessarius ratione secus sperandi, attamen in dubio minimè licet S. Sacramentum in periculo nullitatis & profanationis exponere.

pag. Multò magis indigent confessarii scientiâ supernaturali & infusâ, ut dignoscant & penetrent internam pœnitentium dispositionem, num vere conversi sint & à Deo moti, num abdito & latente peccato mortali laborent, num verum habeant propositum firmamq; voluntatem vitam corrigendi & peccatorum occasiones evitandi, & quos deprehenderint in hunc modum non esse dispositos, absolutionem differant & negent, ipsosque commonefaciant in quam periculoso statu versentur. In hoc omnis difficultas posita est, estque res ita tanti momenti (teste S. Carolo Borromeo) ut à ritè administrando Sacramento Pœnitentiæ, dependeat extirpatio inordinationum omnium & abusus, scelerum emenda, Sanctæ Ecclesiæ bonum, omnium denique animarum salus. Atque à defectu illius originem ducunt omnia

pecc

peccata & propterea omnium peccatorum, inordinationum, atque abusuum quæ in Christianismo perpetrantur, partim non mediocrem causam ponunt confessarii, quod suo non, ut oportet, officio perfungantur.

Quod lachrymis sanguinolentis est de-
plorandum, huc jam deventum est, ut
videatur res eò spectare, ac si proscribere
vellent omnia satisfactionum genera,
quæ tam ad punienda crimina, quam ad
medendum animæ conducunt: videntur
velle ex Sacramento Pœnitentiæ facere
dumtaxat Sacramentum confessionis; unus
quisque enim confiteri quidem desiderat,
sed pars maxima renuit veram agere pœ-
nitentiam, & peccata sua piis satisfactio-
num operibus delere, quod arguit illo-
rum conversionem doloremque non esse
sincera: etenim si interna illorum pœni-
tentia foret vera, quod ad bonam confes-
sionem omnino requiritur, fieri non posset,
quin interna pœnitentia externè produce-
ret opera, quemadmodum fieri nequit,
ut arboris radix vivida sit, & tempore suo
nec fructus nec folia proferat.

Hinc colligendum, quod languor quem
hodie videre est in maximo parte Chri-
stianorum, ne verbum quidem correptionis
sustinent, neque idonei sunt ad ullam

asperitatem voluntariamve pœnitentiam pro enormibus suis flagitiis subeundam, nō derivetur è naturali corporis ægritudine, ast è deficienti Spiritu pœnitentiæ: quia deinde peccatum & amor proprius in ipsis etiamnum regnant dominanturque, & quia affectu suis adhuc peccatis latenter alligantur & adhærescunt: eapropter semper recidunt, atque eadem absque sincera illorum renuntiatione & emenda confitentur peccata, atque ita in suis peccatis numquam non perdurant, contrahentesque tandem vternosam mali consuetudinem, sanari nequeunt.

Isthinc confessarii considerantes hunc languorem quorūdam peccatorum, quod ferre nequeant aliquam invecivam aut correptionem aut salutarem suscipere pœnitentiam, veriti ne illam non explerent, blandulè illos habent, injunguntque exilem pœnitentiam, ratī melius esse illos exigua cum pœnitentia ad purgatorium mittere, quam cum magna (quam adimplaturi non essent) ad infernum; atque eo pacto videmus quod huiusmodi peccatores hærescant in sua peccandi libertate, dissolutam viventes vitam, obdurescunt itaque & impudentes evadunt pejus quam gentiles. Est quod huiusmodi confessarii sibi caveant ne alienorum (quod monet

monet Tridentinum) peccatorum participes se reddant.

Quam frequentes numerare est confessarios, quorum hæc est in extremis vitæ querela, dum conscientia illorum remorsu, & angore torquetur, dum supremo illi judici rationem omnium, quas audierunt confessiones, jam jam reddere oportet, & pertimescunt se forsan damnatum iri ob peccata aliena, quorum coram Deo iudice fortè sunt participes. Siquidem confessiones excipere, & vices Dei agere in dijudicando inscrutabiles hominum conscientias, unde illorum salus dependet, res est formidine & periculo plena. Hoc est quod non paucos bonæ eruditionis & conscientiæ viros deterret & avertit ab excipiendo confessiones, ob magnum scilicet, quod in eo situm est periculum. Eapropter quod pars maxima eorum qui ad confessionem veniunt, non ritè sunt dispositi, neque veram habentes contritionem, aut non firmiter decernentes emendationem, idcirco timent, ne absolutionem impertiantur iis, qui non sunt, ut oportet, dispositi.

TESTIMONIUM,

Eminentiss: Cardinalis BELLARMINI,
è Societate Jesu.

de
Bap.
cap.
18.

Qui (PP.) semper peccantibus post Baptismum,
Gravissimos labores Imposuerunt, antequam
eos reconciliarent.

ALIUD,

Ejusdem ex opusculo ad Episc. Theamensem.



I quis velit in tuto salutem collo-
care & simul oporteat eum Epif-
copali officio fungi, is omnino de-
bet de octo controversiis certam
veritatem inquirere, & non respi-
cere, quid multi hoc tempore dicant & si rei
certitudo non possit ad liquidum apparere, de-
bet omnino tutiorem partem sequi, & nullâ
ratione, nullius imperio, nullâ utilitate tem-
porali propositâ, ad minus tutam partem de-
clinare; agitur enim de summa rei, cum de
salute aternâ tractatur; & facillimum est
conscientiam erroneam aliorum exemplo in-
duere, & eo modo conscientia non remor-
dente ad eum locum descendere, ubi vermis
non moritur & ignis non exstinguitur.

Summa Privilegii.

CAROLUS II. Dei gratiâ Hispania-
rum Rex &c. Diplomate suo sanxit, ne
quis, præter Gisberti Lintsi, Typograph. Mecha-
liniensis voluntatem, Librum cui Titulus, Te-
stimonia &c. imprimat aut divendat, ut latius
patet in Litteris datis Bruxella &c. 1675.

Signat

LOYENS.

